

Quentadela

FEBREIRO 2005



Revista do Deporte Boirense

ÍNDICE



Foto: Humberto Bilbao



| | |
|----------------------------------------------------------|-----------------|
| Saúdo | 1 |
| O servizo municipal de deportes | 2 |
| Asociacionismo | 3 |
| Club de Remo Cabo de Cruz: deporte de elite no Barbanza | 5 |
| Miscelánea | 6 |
| Subvencións 2004 ao deporte federado | 8 |
| Instalacións de competencia municipal | 10 |
| Un proxecto de futuro: escola de fútbol do CD Boiro | 12 |
| O desenvolvemento do fútbol boirense | 13 |
| A oferta deportiva municipal | 14 |
| Opinión | 15 |
| Actividade física na terceira idade | 17 |
| Balance deportivo dos clubes boirenses (tempada 2003-04) | 18 |
| Agradecimentos | (contraportada) |

- Edita: Concello de Boiro

- Concelleira de Deportes: Dores Torrado Ares

- Coordinación: Antón Rodríguez Gallardo

- Elaboración: José Eugenio Rodríguez Fernández, Manuel González Lorenzo, Oscar Vázquez Dieste e Antón Rodríguez Gallardo.

- Colaboracións: Franco Cobas González, Daniel Vázquez Dieste, José Manuel Vilas Silva, Ricardo Riveiro Nuñez, Juan N. Suárez Lijó, Benigno Silva Sánchez, Celso Cespón Piñeiro.

- Fotografía: Arquivo Departamento de Deportes, Humberto Bilbao, Club Tenis Boiro-mar, Club Xadrez Xaque Mato, Club Ciclista Barbanza, Club Piraguismo Morcego.

- Foto Portada: José Eugenio Rodríguez Fernández

- Deseño Gráfico: Fresh

- Maquetación/Imprime: T. A. - D.

Depósito legal: C-381-05

ISSN: 1699-1893

SAÚDO DA CONCELLEIRA DE DEPORTES E XUVENTUDE



Os éxitos acadados nas últimas tempadas polos deportistas boirenses non son froito da casualidade nin tampouco do azar. Detrás de cada medalla e de cada triunfo hai unha traxectoria vital e deportiva chea de ilusións e alegrías, pero, sobre todo, de esforzos e sacrificios. Detrás, tamén está o labor eficaz e constante de tódolos nosos clubes e asociacións, que ano tras ano traballan incansablemente a prol da promoción e a difusión do deporte, posibilitando a consecución de metas e obxectivos, e facendo que o Concello de Boiro sexa, en moitos casos, un referente deportivo a nivel comarcal, autonómico e estatal.

Nun intento de darlle un decidido empuxo ao deporte local (tanto na súa faciana competitiva como na non competitiva) nace esta publicación, que denominamos QUENTADELA. Os seus obxectivos básicos son difundir o labor realizado polos clubes, os seus éxitos da tempada, tanto individuais como colectivos, as actuacións levadas a cabo dende o eido institucional, e, tamén, establecer unha canle de participación social e opinión sobre a saúde do deporte no municipio.

Esta revista pretende, en definitiva, ser unha memoria anual do noso deporte, que se achega a tódolos veciños e veciñas, informando da evolución da sociedade boirense neste eido. É labor de todos os que estamos implicados na súa promoción transformar os logros adquiridos no presente en Patrimonio do mañán, e conseguir, así, que a nosa xeración sexa un referente social e deportivo no futuro.

Dores Torrado Ares
Concelleira de Deportes e Xuventude



O SERVIZO MUNICIPAL DE DEPORTES



Dun tempo a esta parte, no municipio de Boiro, ao igual que noutras localidades da bisbarra, estase a experimentar un esperanzador desenvolvemento do fenómeno deportivo, que discorre paralelo a unha crecente demanda social de políticas que o favorecezan.

Pódese afirmar que esta situación ten a súa orixe entre fins da década dos 80 e inicios dos anos 90, cando o Concello, aproveitando o impulso económico procedente doutras administracións públicas (Xunta e Deputación, sobre todo), e asumindo as propias demandas da sociedade, comeza a mostrar interese polo feito deportivo, para, andando os anos, converterse en factor determinante do seu desenvolvemento.

Para canalizar a súa intervención neste ámbito e cumplir os seus obxectivos de promoción, a partir da

tempada 1993-94 o Concello pon en funcionamento o servizo (ou departamento) municipal de deportes, que malia seus vacilantes inicios, hoxe é un servizo consolidado e en plena e irreverible expansión.

Localizado na Casa da Cultura "Ramón Martínez López", o seu actual equipo de traballo está composto por un animador, un técnico e un coordinador. Completando o cadro de persoal, tres conserxes-mantenedores encárganse de abrir ao público os pavillóns de Barraña, Escarabote e Valiño, vixiendo que instalacións e equipamentos estén en perfecto estado de uso. Eventualmente, cóntase tamén co concurso de empresas especializadas ou monitores aportados polos clubes, na maioría dos casos, para levar a cabo parte dos servizos prestados e a actividade xenerada pola área, cuxa responsable final é a concelleira Dores Torrado Ares.

Entre outras tarefas, é responsabilidade do servizo, desenvolver a programación municipal (actualmente son tres os programas ofertados: Escolas Deportivas Municipais –de outubro a maio-, Quincefrío –decembro a marzo- e Veráns Deportivos –xullo a setembro-); xestionar as instalacións da súa competencia (vixilancia e control, mantenemento das condicións hixiénicas e de limpeza, seguridade, dinamización, dotación de material, etc), e levar a cabo os programas de patrocinios e subvencións destinados a apoiar ao asociacionismo.

Calquera entidade ou particular que necesite asesorarse ou informarse de programas, cesión de instalacións, subvencións, etc, pode dirixirse á oficina, na pranta baixa da Casa da Cultura "Ramón Martínez López" (Parque da Cachada); teléfono: 981 848425; fax: 981 848471; correo electrónico: www.deportes@boiro.org



ASOCIACIONISMO



Consecuencia da implicación dos poderes públicos e da propia dinámica da sociedade, o asociacionismo deportivo boirense experimentou un considerable desenvolvemento na última década. Así, se na tempada 93-94 –cando se pon en funcionamento o servizo de deportes- eran dez as entidades en activo, na tempada pasada, 03-04, contabilízanse máis de 30, aglutinando a unhas 1.500 licencias federativas. Na seguinte táboa reflíctense as especialidades practicadas na actualidade, así como os clubes e entidades representativas de cada unha delas:

| ESPECIALIDADE | ENTIDADE/S |
|-------------------|---------------------------------------------------------------------------------------------------------------------------------------------------------------------------------------------------------------------------------------------------------------|
| Fútbol | CD Boiro, EFM Barraña, Sporting Lampón, SD Cabo de Cruz, Galicia de Bealo, Abanqueiro SD, Cures FC, Oasis Boiro (Veteranos), Lampón (Veteranos), Transportes Triñanes (Veteranos), Inmobiliaria Sampedro (Veteranos), Automi (Veteranos), Karachi (Veteranos) |
| Fútbol-sala | Asociación Deportiva Boirense de Fútbol-sala |
| Baloncesto | CB Santa Baia |
| Voleibol | CV Cabo de Cruz |
| Ciclismo | CC Barbanza, Peña Cicloturística Os Aforcados |
| Motociclismo | CM de Boiro |
| Remo | CR Cabo de Cruz |
| Piragüismo | CP Morcego, Club Kayak Polo Boiro |
| Loita | Club Taekwondo Suh Sport, Club Barbanza de Deportes de Contacto |
| Tenis | CT Boiromar |
| Deportes Náuticos | Club Náutico de Boiro, Club do Mar do Barbanza |
| Caza | Asociación de Cazadores Castelo de Vitres |
| Xadrez | CX Xaque Mato |
| Patín | Escola de Patinaxe Xouxo, Club Hockei Boiro |
| Surf | Kalma Bodyboard Surf |
| Rugby | CR Barbanza |

Como se aprecia na táboa, por enriba de todas as disciplinas destaca o fútbol, que cun total de 13 entidades (6 da categoría de veteranos) aportaban na pasada tempada arredor de 700 licencias ao tecido asociativo local, supoñendo máis dun tercio do total. Fútbol-sala e baloncesto seguen ao fútbol en canto ao número de deportistas federados, superando as 100 fichas.

A esta lista pode engadirse algúna entidade máis, que, aínda sen constituir específicamente asociacións deportivas, teñen entre os seus fins a promoción da práctica da actividade física e deportiva, ou, cando menos, nalgúnha ocasión téñena promocionado. É o caso, por exemplo, da Asociación de Veciños de Abanqueiro “Guillermo Torrado”, da Asociación de Amas de Casa de Boiro, ou das APAs dos distintos centros escolares.





Abanqueiro, SD
Xuvenís

A traxectoria dalgúns clubes, convírteos en referencias do deporte organizado local. Así sucede co CD Boiro, o máis veterano en activo, que ven desenvolvendo de xeito ininterrumpido a súa actividade dende finais da década dos pasados anos 60, e que, hai escasas datas, ven de poñer en marcha un ambicioso proxecto de Escolas Deportivas. Segundo ao CD Boiro no número de licencias, e na mesma especialidade, o Abanqueiro SD está destacando igualmente pola súa promoción da base, o que recentemente lle supuxo o recoñecemento como mellor entidade deportiva boirense do ano nos premios do asociacionismo promovidos pola ABE (Asociación Boirense de Empresarios). Outro dos clubes importantes polo volume de deportistas é o Club Baloncesto Santa Baia, que, ademais, destaca pola promoción do deporte femenino.

Por palmarés, tres son as entidades que merecen destacarse: o Suh Sport Competición, en taekwondo, con notables clasificacións en campionatos galegos e españois, tanto a nivel individual como por equipos; o Club Motociclista de Boiro, que posúe unha contrastada experiencia na organización de probas de alto nivel na especialidade de trial (campeonatos de España, Europa, ...), contando, ademais, con destacados pilotos; e, por enriba de todos, o Club de Remo Cabo de Cruz, a máis laureada das entidades boirenses, con varios campionatos de Galicia e España, tanto na especialidade de banco móvil como fixo, deportistas que forman ou formaron parte das seleccións galega e española, onde obtiveron excelentes resultados, e que, nas dúas últimas tempadas, ven de participar na esixente liga

ACT, xunto coas mellores traiñeiras do Estado. Pero tam pouco se debe esquecer, tanto polo dilatado das súas traxectorias como pola promoción das súas respectivas especialidades, o traballo realizado pola Asociación Deportiva Boirense de Fútbol-sala, que ven organizando competicións locais de xeito ininterrumpido dende a década dos oitenta; o Club Ciclista Barbanza, organizador de probas consolidadas entre as más destacadas do calendario galego; Sporting de Lampón; SD Cabo da Cruz; o Club Piragüismo Morcego, e o Club Voleibol Cabo de Cruz, que, despois duns anos de crise, nos que estivo a piques de desaparecer, parece que inicia a súa recuperación. Non debemos, por suposto, esquecer o traballo realizado polo resto de entidades, que co seu esforzo diario contribúen a expansión da cultura deportiva entre todos os boirenses.

Concluíndo, podemos decir que o municipio de Boiro, en conxunto, conta cun tecido asociativo razoablemente desenvolvido, malia que con fortes desequilibrios internos (nas parroquias máis rurais e menos poboadas e urbanizadas –Macenda, Cespón, Cures e Bealo- dase un desenvolvemento moi precario ou nulo, chamando a atención o caso de Cespón, onde non existe ningunha asociación pese á súa entidade poboacional), e onde o deporte de base ten un importante peso específico. A súa maior debilidade radica na excesiva dependencia que a case totalidade dos clubes e asociacións teñen dunha ou dúas persoas, así como da falta de profesionalización dos seus técnicos.



CLUB DE REMO CABO DE CRUZ

Deporte de élite no Barbanza



Foto: Humberto Bilbao

O Club de Remo Cabo de Cruz compite dende o ano 2003 na elite das traíñas españolas. Os remeiros boirenses de Cabo veñen facendo un extraordinario papel na Liga ACT (Asociación Clubes de Traíñas), na que participan as doce mellores traíñas da xeografía norteña. Seis do País Vasco: Orio, Hondarribia, Pasai Donibane, Urdaibai, Isuntza e Trintxerpe; tres de Cantabria: Astillero, Pedreña e Castro Urdiales, e tres de Galicia: Mecos, Tirán e Cabo de Cruz. Chámanlle a "liga das estrelas", e por algo será.


Na primeira Liga, vai para dous anos, Cabo de Cruz foi un dos mellores clubes, ocupando, con 111 puntos, a sexta plaza xeral, entre os doce participantes, grazas a navegar sempre no medio das clasificacións. Nas quince probas puntuables, Cabo entrou segundo en tres regatas e terceiro nunha, e nas demais case sempre estivo entre o quinto e o sexto posto, das doce traíñas.

A tripulación de Cabo de Cruz é o resultado dun traballo exemplar e ben feito, levado a cabo durante varios anos. Na segunda Liga ACT, rematada o pasado verán, as ambicións do club e dos seus remeiros, directivos e técnicos, non tiñan máis meta que alcanzar a gloria deportiva e manterse na elite. E ao mesmo tempo, o que é más impor-

tante, manter e seguir a facer un gran servizo á sociedade boirense en xeral e á de Cabo da Cruz en particular. Un servizo social, educativo e humanista. Porque ademais de competir a alto nivel, levando o nome de Cabo da Cruz e Boiro por toda a xeografía remeira, tamén o deporte do remo é un dos más completos para a formación personal e individual. O deporte en xeral, e o remo en particular, significa un impagable servizo para a xuventude, propoñéndolle a práctica deportiva, e vivir así coa mente e o corpo nun ambiente san, ilusionado e optimista. Un ano máis os obxectivos foron cumplidos.

O traballo ben feito, non sempre recibe o premio merecido. A victoria só é acadada por un dos competidores, aínda que todos o merezan. Pero ao remeiro, sempre lle queda a satisfacción de ter competido coa dignidade propia dos deportistas, recoñecendo que aínda hai algo que mellorar na súa proposta. Se despois de todo este arduo traballo, o remeiro perde ou gaña a regata, iso é, en certo modo, aleatorio. O home... ¡sempre gaña!

Franco Cobas González
Xuíz-árbitro da especialidade de remo en Atenas 2004



Maikel Ordoñez, piragüista boirense no C A R Pontevedra

Boirenses no Centro Galego de Tecnificación Deportiva de Pontevedra

O Centro de Tecnificación Deportiva de Pontevedra, xestionado pola Secretaría Xeral para o Deporte, acolle aos deportistas que destacan polas súas cualidades nos distintos clubes de Galicia. Neste centro, en réxime de internado, os rapaces cursan os seus estudos e seguen un plan de adestramento rigoroso, o que lles permite competir ao máis alto nivel cos seus respectivos clubes e, na maioría dos casos, coas seleccións galegas da especialidade.

Este novo curso son tres os boirenses no centro pontevedrés: Esmeralda Santos Maceiras (remo, Club Remo Cabo de Cruz), Rufino Regueira Suárez (natación, Club Natación Ribeira) e Rebeca Mariño Torrado (taekwondo, Club Suh Sport Competición). Anteriormente, pasaron polo Centro de Tecnificación Deportiva outros boirenses: Alberto Hermo Álvarez, Raúl Romero Saborido, Marcos García Treus, Roberto Torres López, Fátima Torrado Treus, Rita Vicente Pérez, Ismael Romero Saborido, Ramón Bermúdez Romero (todos do Club de Remo Cabo de Cruz), e Maikel Ordóñez Laíño (do Club Piragüismo Morcego). Froito desta formación, algúns deles acadaron éxitos en competicións moi importantes, como é o caso de Esmeralda Santos, participante no campionato do mundo en remo olímpico na súa categoría.

III Gala do Asociacionismo

O mes de outubro pasado celebrouse a Gala do Asociacionismo local, que organiza a Asociación Boirense de Empresarios. Nesta terceira edición, os homenaxeados no eido deportivo foron: o club de fútbol SD Abanqueiro, que recibiu a distinción de mellor entidade da tempada 2003-04, e Benigno Silva Sánchez, adestrador do Club de Remo Cabo de Cruz, a de mellor labor individual. Tamén se recoñeceu a trajectoria de Genucho Triñanes Saborido, actual directivo do CD Boiro, no eido do asociacionismo, especialmente na parroquia de Lampón, onde participou, e, nalgúns casos ainda participa, en diversas asociacións (veciñais, comisións de festas, club de fútbol, etc.). Sinalar tamén que no eido socio-cultural foron premiados a moza Milagros Fernández Laíño e o Centro Cultural e Deportivo de Boiro, a máis veterana das entidades culturais do municipio. E finalmente, premiouuse á empresa Jealsa-Rianxeira por distinguirse no patrocinio do asociacionismo local.

Olímpico

Franco Cobas González, vigués de veciñanza e boirense de nacemento e corazón, viaxou o pasado verán á cidade grega de Atenas para participar nas Olimpiadas como xuíz-árbitro na especialidade de remo. Con esta, son tres as citas olímpicas ás que acudeu: unha como atleta (Roma 60) e dúas como árbitro (Barcelona 92 e Atenas 2004). Noraboa pola súa trajectoria.

O repunte do voleibol boirense

Despois dunhas tempadas de crise, o CV Cabo de Cruz, que fundara a inicios dos anos 90 José Antonio Pérez, dirixíndoo maxistralmente durante varios anos, volve a rexurdir da man do seu presidente Juan N. Suárez e Andrés Martínez, incorporado ao proxecto a inicios da presente tempada. Despois de que o ano pasado soamente se inscribira en competición un único equipo, actualmente, son tres os federados: o senior, da 2ª división feminina, e os xuvenís, na categoría masculina e feminina.

Homenaxe do Concello aos deportistas máis destacados da tempada.

Durante o transcurso do acto de entrega de subvencións aos clubes federados locais, celebrado o mes de agosto do pasado ano, o Concello de Boiro quixo premiar aos deportistas máis destacados da tempada 2003/2004. Os recoñecementos recaeron no nadador Rufino Regueira Suárez (Club Natación Ribeira), que obtivo 11 medallas nos campionatos de Galicia; nos campións galegos na especialidade de taekwondo Ismael Amor, Alejandro Carreño, Daniel Torrado, Beatriz Pérez e Rebeca Mariño (Club Suh Sport Competición); na tamén taekwondista Goretti Somoza Cabrera (Club Natural Sport Ribeira), campiona de Galicia e de España en categoría junior; no piragüista Maikel Ordóñez Laíño (Club Piragüismo Morcego), gañador de catro medallas no campionato galego; e, finalmente, nos remeiro Eva Val del Rio, Esmeralda Santos Maceiras, Alberto Hermo Álvarez e Jesús Silva Vidal (Club Remo Cabo de Cruz), gañadores da medalla de bronce nos campionatos de España de remo olímpico.

Tamén se homenaxeou ao Club Motociclista Boiro (mellor clube galego e de España de Trial); Club Suh Sport Competición (campión Galego en varias categorías); k-4 cadete do Club Piragüismo Morcego (subcampión galego en 500 e 1000 metros); batel senior feminino do Club Remo Cabo de Cruz (campión galego e de España); batel cadete feminino do Club Remo Cabo de Cruz (campión galego); batel xuvenil masculino do Club Remo Cabo de Cruz (3º clasif. no Campionato galego); traiñeiriña senior masculina do Club Remo Cabo de Cruz (3º clasif. no Campionato galego), e traiñeira do Club Remo Cabo de Cruz (subcampiona galega).

A canteira boirense despega

O traballo conxunto entre clubes e Concello está permitindo que varios deportistas empecen a despuntar na elite. Ademais da tripulación ACT do CR Cabo de Cruz, maioritariamente iniciada nas Escolas Deportivas Municipais, e remeiras como Melala Santos, son varios os mozos e mozas que integran xa os planteis de clubes de primeira liña. Por poñer só algúns exemplos, decir que Marcial Fernández Fernández, natural de Cabo da Cruz, e formado nas categorías inferiores do CD Boiro, ven de debutar hai escasas datas na máxima categoría do fútbol-sala co Autos Lobelle, de Santiago de Compostela. Na especialidade de baloncesto, Ana Peleteiro Ramallo, iniciada nas Escolas Deportivas Municipais e no CB Santa Baia, despois do seu fugaz paso polas categorías inferiores de Cortegada (Vilagarcía) e Cluny (Santiago), debutou esta tempada no Celta Vigo Urban, da División de Honra feminina. A súa irmá Marta, integrada na categoría xuvenil do mesmo club, estase destacando, igualmente, como unha xogadora de proxención. Reseñar, asimesmo, que en taekwondo, Beatriz Pérez, Rebeca Mariño, Ismael Amor, Dani Torrado e Alejandro Carreño, xunto co seu adestrador Victor Costado, veñen de acadar para o Club Suh Sport a primeira praza no campionato galego por clubes (categoría absoluta), celebrado en Carballiño o día 12 do pasado mes de decembro. A todos eles e aos adestradores que os puxeron no camiño da elite, a nosa noraboa.

Un decembro pleno de deporte.

O pasado decembro, Boiro acolleu unha chea de eventos que amosan o seu dinamismo no eido deportivo. O día 6, celebrouse o xa tradicional trofeo Concello de Boiro de ciclocross, que este pasado ano cumplía a súa XVII edición. Organizado polo Club Ciclista Barbanza, reuneu no circuíto de Praia Xardín a máis dun cento de corredores. O vencedor absoluto foi Óscar Vázquez, do Spol de Porriño, seguido do seu compañoiro de equipo Narciso Piñeiro e Manuel Armada, do TB Transportes. Segundo coas probas de nivel, o día 18, o pavillón de Barraña reuneu aos mellores clubes galegos de taekwondo en disputa da Copa Galicia. O club local, Suh Sport-Vidal Armadores, quedou clasificado en 2ª posición, tras o Tao, de Vigo, nun torneo no que participaron 18 equipos e preto de 80 competidores. Por outro lado, neste mesmo mes púxose en marcha a VIII edición do programa municipal de promoción deportiva Quencefrío, incluíndo actividades diversas que se celebrarán durante toda a estación invernal. Así, durante a semana do 27 ao 31, coa organización do Club de Tenis Boiro-mar, o pavillón do CEIP Escarabote foi escenario do I Master provincial de tenis e da VIII edición do Torneo de tenis Concello de Boiro; o 28, no pavillón da Cachada celebrouse o Torneo de voleibol que organiza o Club Voleibol Cabo de Cruz; e tamén se abre o prazo de inscrición para iniciarse na práctica do esquí na estación de San Isidro (León).

Ciclocross Concello de Boiro
Praia Xardín (Paseo)



SUBVENCIÓNS ao deporte federado



Un ano máis, o Concello de Boiro ven de colaborar co asociacionismo a través dos seus programas de subvencións, co fin de contribuir a financiar os gastos xenerados polas competicións e a organización de actividades. A dotación económica destes programas de axudas foi de 42.000 euros, superando nuns 5.000 euros a cantidade destinada a tal efecto en 2003.

Para distribuir as axudas entre as distintas entidades téñense en conta criterios como: historial, número de equipos, categorías e competicións, número de licencias –incidindo nas das categorías inferiores-, uso e xestión de instalacións, expansión respecto á tempada precedente, promoción do deporte feminino, cualificación dos técnicos, organización de actividades complementarias á formación dos deportistas do clube, esforzo económico e de xestión, número de beneficiarios, etc.

A baremación e axudas deste ano quedaron establecidas como segue:

PROGRAMA 1 (BLOQUES 1 E 2)

| Entidade | Presupuesto de gastos € | | Puntos Baremación | | SUBVENCIÓN € | | Aportación porcentual sobre o presupuesto de gastos declarado % | |
|----------------------------|-------------------------|-----------------|-------------------|------|---------------------------------|----------------|-----------------------------------------------------------------|-------------|
| | 2002 - 03 | 2003 - 04 | 2003 | 2004 | 2003 | 2004 | 2003 | 2004 |
| Club Remo Cabo de Cruz | 65.528 | 146.600 | 108 | 131 | 3.483 | 4.264 | 3,8 | 2,9 |
| CD Boiro | ... | 60.614 | ... | 113 | 3.906 (non deriva de baremo) | 3.678 | ... | 6 |
| Club Baloncesto Santa Baia | 24.510 | 19.700 | 106 | 102 | 3.419 | 3.320 | 13,9 | 16,8 |
| Club Piragüismo Morcego | 20.900 | 20.400 | 98 | 98 | 3.161 | 3.189 | 15,1 | 15,6 |
| SD Valiño Cabo de Cruz | 15.000 | 31.000 | 78 | 97 | 2.516 | 3.157 | 16,7 | 10,1 |
| SD Abanqueiro | 23.099 | 24.475 | 93 | 96 | 3.000 | 3.125 | 12,9 | 12,7 |
| Club Ciclista Barbanza | 28.000 | 38.000 | 75 | 87 | 2.419 | 2.832 | 8,6 | 7,4 |
| EMF Barraña | ... | 25.580 | ... | 84 | ... | 2.734 | ... | 10,7 |
| Sporting de Lampón | 8.917 | 14.393 € | 69 | 73 | 1.704 | 1.818 € | 19,1 | 12,6 |
| Club de Xadrez Xaque Mato | 4.100 | 4.150 | 38 | 44 | 938 | 1.095 | 22 | 26,4 |
| Galicia de Bealo | 5.903 | 9.349 | 36 | 38 | 889 | 946 | 15 | 10 |
| Club Voleibol Cabo de Cruz | 3.088 | 3.465 | 30 | 34 | 816 | 846 | 26,4 | 24,4 |
| Cures SD | 9.000 | 9.336 | 27 | 32 | 817 | 797 | 9 | 8,5 |
| Club Tenis Boiromar | 2.485 | 2.436 | 27 | 32 | 667 | 797 | 26,8 | 32,7 |

PROGRAMA 1 (BLOQUE 3)

| Entidad | Presupuesto de gastos € | | Puntos Baremación | | SUBVENCIÓN € | | Aportación porcentual sobre o presupuesto de gastos declarado % | |
|--------------------------------|-------------------------|-----------|-------------------|------|--------------|------|-----------------------------------------------------------------|------|
| | 2002 - 03 | 2003 - 04 | 2003 | 2004 | 2003 | 2004 | 2003 | 2004 |
| Oasis Boiro (Fútbol Veteranos) | 2.548 | 3.747 | ... | 22 | 240 | 405 | 9,4 | 10,8 |
| Lampón (FV) | 2.532 | 3.795 | ... | 20 | 240 | 368 | 9,5 | 9,7 |
| Transportes Triñanes (FV) | 2.502 | 2.840 | ... | 11 | 240 | 203 | 9,6 | 7,1 |
| Inmobiliaria Sampedro (FV) | ... | ... | ... | 11 | ... | 203 | ... | ... |
| Automi (FV) | ... | 3.080 | ... | 7 | ... | 129 | ... | 4,2 |
| Karachi (FV) | ... | ... | ... | ... | ... | 92 | ... | ... |

PROGRAMA 2

| Entidad | Actividades | Presupuesto de gastos € | SUBVENCIÓN € | | Aportación porcentual sobre o presupuesto de gastos % | |
|---------------------------------------|---------------------------------------------------------------------------------------------|-------------------------|--------------|-------|-------------------------------------------------------|------|
| | | | 2003 | 2004 | 2003 | 2004 |
| ADB Fútbol Sala | Liga e copa + maratón | 10.000 | 1.021 | 1.200 | 15,5 | 12 |
| Suh Sport Competición | Varias asistencias a campionatos | 18.000 | 1.382 | 1.300 | 7,1 | 7,2 |
| Club Náutico de Boiro | Campionato Galego fotografía submarina + Curso de iniciación a vela + Curso de submarinismo | 6.800 | 1.081 | 1.000 | 15 | 14,7 |
| Club Motociclista de Boiro | Varias participacíons en campionatos e probas | 10.976 | 1.202 | 1.100 | 7,6 | 10 |
| Club Deportes de Contacto do Barbanza | Varias participacíons a campionatos | ... | 751 | 750 | 9,6 | ... |
| Club Os Aforcados Mountain Bike | Rota cicloturística | 4.207 | ... | 150 | ... | 3,5 |

EVOLUCIÓN DAS SUBVENCIÓNS NO PERIODO 2000 - 2004

| Ano | Presupuesto destinado a Programa 1 | Presupuesto destinado a Programa 2 | Nº de solicitudes Programa 1 + 2 | Presupuesto destinado a Programa 3 | Cantidad total destinada subvencións |
|------|------------------------------------|------------------------------------|----------------------------------|------------------------------------|--------------------------------------|
| 2000 | 25.452,86 € 4.235.000 pts | 4.086,88 € 680.000 pts | 23 | 1.803 € 300.000 pts | 31.342,74 € 5.214.993 pts |
| 2001 | 28.644,24 € 4.766.000 pts | 3.005 € 500.000 pts | 27 | 1.803 € 300.000 pts | 33.452,24 € 5.565.984 pts |
| 2002 | 26.745 € 4.450.000 pts | 5.709,61 € 950.000 pts | 26 | 1.803 € 300.000 pts | 34.257,61 € 5.699.987 pts |
| 2003 | 29.230 € 4.863.163 pts | 5.439,16 € 905.000 pts | 22 | 2.404 € 399.992 pts | 37.073,16 € 6.168.155 pts |
| 2004 | 34.000 € 5.657.124 pts | 5.500 € 915.123 pts | 26 | 2.500 € 415.965 pts | 42.000 € 6.988.212 pts |




INSTALACIONES de competencia municipal



Aínda que existen outras instalacións de uso colectivo espalladas por todo o municipio, a continuación, e a nivel informativo, reséñanse aquelas nas que o Concello posee a titularidade ou ten algún tipo de competencia na súa xestión:

| Tipo de Instalación | Localización | Xestión | Permisos de uso |
|-------------------------------------------------------------------------|----------------------------|----------------------------------------------------------------|------------------------------------------------------------------------------------------------------------------------------|
| Campo de fútbol herba | Avda. Barraña (Boiro) | Cedido ao CD Boiro en contrato de arrendamento | Poderanse solicitar á entidade arrendataria, que ten uso preferencial pero non exclusivo |
| Campos de fútbol (1 de herba e 1 de terra) | Vista Alegre (Boiro) | Pendente de incorporar ao contrato de arrendamento do CD Boiro | Poderanse solicitar á entidade que ten uso preferencial pero non exclusivo |
| Pista polideportiva aire libre (futbol-sala, baloncesto) | Subuqueiro (Cabo da Cruz) | Concello | Uso libre |
| Pista polideportiva aire libre (baloncesto) | Agramuña (Escarabote) | Concello | Uso libre |
| Pista polideportiva aire libre (futbol - sala) | Sequelio (Lampón) | Concello | Uso libre |
| Pista polideportiva aire libre (futbol - sala) | Saltiño | Concello | Uso libre |
| Pavillón CEIP Escarabote (pista polideportiva) | Vista Alegre (Lampón) | Servizo de Deportes | Na oficina do servizo municipal de deportes: Casa da Cultura "Ramón Martínez López" (Parque da Cachada). Telf.: 981 84 84 25 |
| Pavillón CEIP Valiño (pista polideportiva) | Valiño (O Castro) | Servizo de Deportes | Na oficina do servizo municipal de deportes: Casa da Cultura "Ramón Martínez López" (Parque da Cachada). Telf.: 981 84 84 25 |
| Pavillón CEIP Abanqueiro (pista polideportiva) | Seán (Abanqueiro) | Concello (limpeza e mantemento) | Dirección do centro escolar. Telf.: 981 84 81 86 |
| Pavillón CEIP Cespón (pista polideportiva) | Sar (Cespón) | Concello (limpeza e mantemento) | Dirección do centro escolar. Telf.: 981 86 32 42 |
| Pavillón CEIP Santa Baía (pista polideportiva) | Avda. Praia Xardín (Boiro) | Concello (limpeza e mantemento) | Dirección do centro escolar. Telf.: 981 84 57 13 |
| Pavillón CEIP Praia Xardín (pista polideportiva) | Avda. Praia Xardín (Boiro) | Concello (limpeza e mantemento) | Dirección do centro escolar. Telf.: 981 84 54 25 |
| Pavillón Municipal de Barraña (pista polideportiva e ximnasio) | Avda. Barraña (Boiro) | Servizo de Deportes | Na oficina do servizo municipal de deportes: Casa da Cultura "Ramón Martínez López" (Parque da Cachada). Telf.: 981 84 84 25 |
| Complexo deportivo da Cachada (piscina, pista polideportiva e ximnasio) | Avda. Constitución (Boiro) | Empresa servizos deportivos | Na oficina do complexo deportivo: Avda. Constitución Telf.: 981 84 26 77 |



PAVILLÓN MUNICIPAL DE BARRAÑA

| | LUNS | MAR. | MÉR. | XOV. | VEN. | SAB. | DOM. |
|-------|------|------|------|------|------|------|-----------------------------------------------------------|
| 10-11 | | | | | | | Competición C. Baloncesto Sta. Baía (cad., xuv.) |
| 11-12 | | | | | | | |
| 12-13 | | | | | | | |
| 13-14 | | | | | | | |

| | | | | | | | |
|-------|----------------------------------------|-------------------|----------------------------------------|---------------------------|----------------------------------------|-------------------------|--|
| 15-16 | | LIMPEZA PISTA | | | | | |
| 16-17 | Xim. Xubil. A | | Xim. Xubil. A | | Xim. Xubil. A | LIGA ADB Fútbol sala | |
| 17-18 | Xim. Xubil. B | | Xim. Xubil. B | | Xim. Xubil. B | | |
| 18-19 | C.D. Boiro (Cat. Infer.) | | C.D. Boiro (Cat. Infer.) | edm Preparación Física | C.D. Boiro (Cat. Infer.) | | |
| 19-20 | C. Baloncesto Sta. Baía (cat. xuv.) | Club Voleibol | C. Baloncesto Sta. Baía (cat. xuv.) | Club Voleibol | C. Baloncesto Sta. Baía (cat. xuv.) | | |
| 20-21 | C. Baloncesto Sta. Baía (cat. xuv.) | Club Voleibol | C. Baloncesto Sta. Baía (cat. xuv.) | Club Voleibol | C. Baloncesto Sta. Baía (cat. xuv.) | | |
| 21-22 | Club Tenis | Xim. adultos | Sporting Lampón (feminino) | Xim. adultos | LIGA ADB Fútbol sala | | |
| 22-23 | Club Tenis | EDM tenis adultos | Sporting Lampón (feminino) | EDM tenis adultos | LIGA ADB Fútbol sala | | |
| 23-24 | | | | | LIGA ADB Fútbol sala | | |

PAVILLÓN CEIP ESCARABOTE

| | LUNS | MAR. | MÉR. | XOV. | VEN. | SAB. | DOM. |
|-------|------|------|------|------|------|------|---------------------|
| 10-11 | | | | | | | Club Tenis Boiro |
| 11-12 | | | | | | | |
| 12-13 | | | | | | | |
| 13-14 | | | | | | | |

| | | | | | | | |
|-------|---------------------------------|---------------------------------|-----------------------|-------------------------|-----------------------|--|---------------------|
| 15-16 | | | | | | | |
| 16-17 | | | | | | | |
| 17-18 | EDM Baloncesto | Limpeza pista | Patinaxe Anpa | Limpeza pista | EDM Baloncesto | | Club Tenis Boiro |
| 18-19 | | | XIMNASIA XUBILADOS | | XIMNASIA XUBILADOS | | |
| 19-20 | EDM Tenis | Tenis (Fdo. Blanco) | EDM Tenis | Limpeza pista | EDM Tenis | | |
| 20-21 | Sporting Lampón (benx., al.) | Sporting Lampón (benx., al.) | C.D. BOIRO | Albacora FS | C.D. BOIRO | | |
| 21-22 | Sporting Lampón | Sporting Lampón | ACD Morcego | BOCACHO FS | Mestres | | |
| 22-23 | Sporting Lampón | Sporting Lampón | EDM Tenis (adultos) | Adxudicación semanal | EDM Tenis (adultos) | | |

PAVILLÓN CEIP VALIÑO

| | LUNS | MAR. | MÉR. | XOV. | VEN. | SAB. | DOM. |
|-------|-------------------------|-----------------------------|-----------------------|-----------------------|-------------------------|------|------|
| 15-16 | | | | | | | |
| 16-17 | | | | | | | |
| 17-18 | | | | | | | |
| 18-19 | Edm baloncesto | Patinaxe Anpa | Edm baloncesto | Edm tenis infantil | Edm tenis infantil | | |
| 19-20 | Limpeza Pista | S.D. Cabo de Cruz | S.D. Cabo de Cruz | S.D. Cabo de Cruz | S.D. Cabo de Cruz | | |
| 20-21 | Karachi FS | S.D. Cabo de Cruz | S.D. Cabo de Cruz | S.D. Cabo de Cruz | Limpeza Pista | | |
| 21-22 | Fábulas Rodas | JM García Seoane (Tenis) | Javier Viturro (Tns.) | S.D. Cabo de Cruz | Adxudicación semanal | | |
| 22-23 | Adxudicación semanal | Informática Viñas FS | Javier Viturro (Tns.) | S.D. Cabo de Cruz | Adxudicación semanal | | |

